

倚姓樓傳奇

新
天
地
傳
奇
EPC

脊令雉

脊令原傳奇序

曲之感人捷於詩書今有至無良者氣質乖謬師友弗能
化焉試與之入梨園觀古人之賢奸與往事之得失其喜
怒哀樂無不發而中者則曲雖小道固亦風俗人心之所
寄也予視學浙江悅黃生韻珊文而賞之繼覽其所製帝
女花曲蒼鬱詭麗益歎其才之美爰取聊齋所載曾友于
事命作劇本市月而詞成情文樸摯類皆布帛粟菽之談
元人中與琵琶爲近可想見其至性之厚非徒側豔爲工
者異日譜之管弦形之歌舞使普天下孝悌之心油然而

生則感人之捷雖詩書奚加焉道光甲午秋新城陳用光
序於浙江學舍

脊令原目錄

卷上

萱壽

樹黨

規弟

閔周

釋繫

爭服

撓殯

懷歸

撻弟

仁愬

移居

成返

卷下

羣鬪

公訊

改葬

詣泊

別父

依叔

推刃

牝噬

收會

三捷

息訟

家圓

脊令原卷上

新城陳碩士夫子鑒定

海鹽黃燮清韻珊填

詞原名憲清

萱壽 第一齣

生上

黃鐘引子瑞雲濃讀書勵志不在科名聲勢最費安排門內事
撫心自問算母子相憐弟兄多故慙愧煞芸瓜家世

籠起全部

棒喝大眾

連理枝頭芳信來綠陰深繞舊書臺人生難得惟兄弟
不許黃金離間開卑人姓曾名悌字友于昆陽人也先
父啓賢公孝友傳家詩書教子不幸中年見背嫡母李

頭緒紛繁
點次卻極
簡明具見
手法

夫人生子名成。早年俱被強寇掠去。至今存亡未卜。音信杳然。繼母賈夫人。與父親先後去世。遺有三子。長名孝。次名忠。次名信。生母張夫人。生有三子。卑人居長。次名仁。次名義。卑人年方三十。尙困一衿。同父七人。成兄一去不歸。孝兄及忠信兩弟。嫡庶之辨太嚴。手足之情轉淡。與悌等視同陌路。日欲相讐。仁義兩弟。年俱幼弱。目擊此情。心常憤憤。根本之地。煞費周旋。咳。文章純盜虛聲。浪呼名士。骨肉未能德化。遺痛先君。且待從容勸解。再作道理。今日乃我母張夫人六旬壽誕。早起已囑

寫賢婦嫗
淑神情如
揭

荆妻顏氏料理酒筵登堂獻兕且待他完備一同慶壽

便了旦上

傳言玉女整理鬟絲商畧畫眉影子問夫婿藹然佳士封
侯不羨好共佐北堂甘旨趨庭笑語斑衣同試

見介官人生娘子慶壽酒筵可曾完備旦早已完備生
話猶未了仁義兩弟扶着母親出來也小外小末扶老

旦上

過曲啄木兒衣裾展杖履遲辛苦承歡憐孝子生日迎見介
母親今日誕辰兒輩敬備一觴爲母親上壽老旦生受你

忽笑忽淚
聲清畢真
左紫右拂
面面玲瓏

們旦請婆婆台坐了一同拜祝。眾扶老旦中坐同拜介。老旦罷了罷了。笑介。好夫妻一鏡生春。好弟兄三樹連枝。你們到底是親生的。還有這一點孝心。那孝兒忠兒信兒。都是漠不相關。近來聞得與你們三人。很不相安。想你父親若在。必不睽違至此。淚介。我銜石難填東海水。你採蘭空補南陔字。咳。怕有日變起蕭牆。不可支。

生。母親不必過慮。孩兒逆來順受。自有調處之法。請自寬懷。暢飲則個。娘子取酒過來。生旦同進酒介。

前腔。輝銀燭。倒玉卮。祥瑞須從和氣致。喜年年。萱葉長青。

清麗芊綿

語實而摯

至言

真情實理
自成美文

祝歲歲荆花燦紫生仁義兩弟同敬母親一盃小外小末
進酒介願隨娘膝下同嬉戲願隨兄肩後相依恃合卻不
道一片慈暉寸草知

老旦我已醉了要去將息片時生既如此娘子好生扶
了母親進去旦曉得扶老旦起介正是零星雙鬢雪旦
太古一家春扶老旦下小外小末哥哥今日孝哥等不
來與母親上壽十分無禮我們和他廝鬧去生兄弟休
得鹵莽且自由他若記小嫌必開大釁

三段子各行所是較短長其心已私無須強之動猜嫌其

要言不煩

幾至微。係少年血氣何堪恃。怕慈親從此擔憂思。可曉得
九世同居惟忍字。

小外小末既哥哥如此說。且恕過這一遭。再講生好兒
弟。這才不錯。

尾聲閉門休去滋閒事。小外小末無奈我諸昆。不是生咳
怎得個一夜春歸棧。夢似同丁。

直注尾齣

樹黨 第二齣

中淨引小淨小丑上

呂中 四邊靜。一門領袖吾爲鉅。阿兄被人擄。諸弟漫紛紜。區

提表清晰
下文節目
自然絲絲
入扣

一切因由
都從此起

區算家主俺會孝字奉先繼母賈夫人所生也係再索之
長男爲一家之巨擘娶妻杜氏中年多病不能持家納妾
惟雙生兒有五長繼業三繼德俱係嫡出次繼功四繼績
俱係庶出最幼名繼祖乃婢所出繼業娶馮氏繼功娶劉
氏餘子均未婚配俺有一女早經出嫁爲邑中周三之媳
這都不在話下只是一件俺父親去世之時遺有六子弟
兄生得太多家產分而漸少每思乘間生釁耐耐庶弟友
于解讀詩書冒充道學又庇護仁義兩弟使俺不能逞所
欲爲算來彼眾我寡難以箝制如今只得聯結同母兩弟

併力合謀。方可與他對壘。各分黨與。各分門戶。犄角倚聲。
援。若輩敢來拒。

繼業繼功何在。
小淨小丑有。
中淨請忠信兩叔出來。
小淨小丑曉得。
向內介二位叔叔有請。
末丑上。

前腔家兄呼喚一同去。
有甚間分付。
趨步到書房。
商量是何語。
末俺會忠丑俺會信。
見介哥哥喚弟等出來。
不知何事。
中淨請坐了細說。
各坐介中淨我們三人俱係一母所生。
乃是曾家嫡嗣。
自與別的弟兄不同。
可恨父妾所生三子。
出身鄙賤。
公然竟與我等抗行。
爲兄的委實有些氣他。

不過不分嫡庶不分規矩田宅與錢財一半屬他處

末丑如今哥哥的主見待要怎樣中淨我們三人今後
總要并膽同心休要假以詞色雖有賓客宴飲之事亦
須屏不與齒方見得名分不差貴賤各別末丑說得有
理我們也是這樣想呢

前腔胞胎各異難同語我輩祖須左滾到一邊來安能與
他伍并非強禦并非凌侮暗合古人詩不與我同母

小人文過
偏有一番
道理可笑
可恨

雜家人上忙將閨閣悲傷事報與書房魑魍人相公不
好了剛才周親家太太那裏有人來報說我家姑娘得

病死了。申淨跳哭介。哎也我那女兒呵。

前腔傷心斷送親生女。使我淚如雨。弄碎掌中珠。此事怎
生恕。我想女兒無端夭卒。必因周家凌虐所致。須要前去
爭論一番。鬧得他家破人亡。方雪我恨。家人過來。雜有中
淨。你去告訴二相公。教他明日同往周家廝鬧。看他來也
不來。雜是曉得。背介。好端端又要生事了。下。中淨兄弟們
明日早起。可去招集族中子弟。整備打架。不得有誤。末丑
應介。中淨闖開堂戶。打成泥土。請落竈君來趕出門神去。
同到裏邊。再和你嫂嫂計議則個。同下。